



**Loca Infesta,|| Hoc est:|| De Infestis,|| Ob Molestantes||
Daemoniorvm Et Defvncto-||rvm Hominvm Spiritvs,
Locis,|| Liber Vnvs.||**

Thyraeus, Petrus

Coloniae Agrippinae, 1598

VD16 T 1247

Cap. II. Quotuplicia sint loca infesta?

[urn:nbn:de:hbz:466:1-61332](http://urn.nbn.de/urn/resolver.pl?urn=urn:nbn:de:hbz:466:1-61332)

DE LOCIS INFESTIS
CAP. II.

Multiplicia esse loca, quæ à Spiritibus infestantur: &
quod omnia ad duo genera possint reuocari,
quæq; sit inter ipsa differentia.

1. Ræcedenti Capite demoitiatum est esse quedam loca Spectris & Spiritibus infesta; Sed ita, ut simul insinuatum sit, non vnius generis omnia illa esse. Datae sunt infestæ domus; vt inter alias illa quam Alexander ab Alexandre inhabitauit. Datae fundi; vt Hesperij, quorum meminit Augustinus. Datae arcæ & palatia; vt illa in Scotia, ob Spirituum gemitus Mons dolorosus dicta. Datae ciuitates; vt Magonitia. Datae insulae et prouinciae, apud Aquilonares populos, & in Saxonia Episcopatus Hildesheimensis. Rursus data loca subterranea, in Fodinis metallicis. Data priuata, vt domus, quam Theodorus, Sicæorum Archimandrita purgauit. Datae publica, vt Angulares Thermae &c. Sed hæc omnia ad pauciora genera reuocantur.
2. Et quidem si rectè ratiocinabitur, duo constitui possunt. Locoru enim quedam possumus dicere *Infesta propter homines*; quædā per se. *Infesta propter homines* illa vocamus, quæ non nisi propter certos homines, quos ipsi Spiritus persequuntur, horrida sunt. *Infesta per se*, quorum infestationis ratio ex spiritibus, & non ex hominibus, qui iisdem locis degunt, petitur.
- Itaq; *infesta propter homines* sunt, domus, quæcunq; Pausaniam
3. Spartanorum Regem excipiebat: domus quam Nero post cædem matris inhabitabat: Locus, vbiunque Otto Romanorum imperator, postinternacionem Galbae, reperiebatur &c. Hos siquidem, quocunque diuerterent, ob vindictam patrati sceleris, infestantes sequebantur Spiritus.
4. *Infesta per se* erunt, fundus Hesperij, apud B. Augustinum; Thermae Angulares, apud B Gregorium: domus, tam illa, quam Theodorus Sicæorum Archimandrita liberauit; quæm alia, quam Romæ inhabitauit Alexander; Aquilonares prouinciae, & arcæ Olaï Magni; campi VVormatienses, & fodinæ metallicæ &c.
- Multiplex verò est inter hæc duo locorum genera *differentia*. Prima à tempore, quo Spiritus molestare incipiunt, sumitur. Nam in illis, quæ propter homines infesta sunt, prius ipsi homines in locis inueniuntur, quæm loca Spectris sint horrida. Quia eum certis locis Nero, Pausanias, atq; Otto inueniebantur; idcirco molestas.

PRIMA PARS.

Iestantes patiebantur spiritus, quibus anteat caruerant. In posterioribus prius ipsa loca infesta sunt, quam hominibus molestia a spiritibus afferatur, quemadmodum 1. Cap. allata probant exempla.

Altera differentia a duratione petitur. Illatamdiu infesta sunt, quamdiu homines, quos infestantes spiritus sequuntur, ijs locis degunt, & causis molestiarum non tollunt. Sublati vero hominibus, aut causas molestiarum cessantibus, desinunt infestantes spiritus. At posteriora haec infesta manent, quamuis etiam ab hominibus prorsus deferantur.

Tertiam differentiam suppeditant fines spiritibus in his locis propositi. Qui prioribus locis inueniuntur, vindices plerumq; sunt patratorum scelerum; quemadmodum spiritus virginis a Pausania interficta; manes matris Neronis, & Imperatoris Galbae. Qui vero posterioribus, non item. Et quamuis aliquando, non tam semper, mortales affligunt: ut vero affligant, per se ipsis propostum non est.

Quartam differentiam forme, quibus se spiritus dictis locis exhibent, praebent. Priorum locorum spiritus plerumq; sub eorum se specie (& ob id humana) exhibent, qui iniuriam passi, vindictam his terriculamentis expetere videntur. Hinc a matris spiritu Nero; a virginis Byzantinæ Pausanias; & a Galbae spiritu Otto cognovit se persecutionem pati. At vero posteriorum locorum spiritus, nunc sub proprijs, nunc sub peregrinis formis conspiciuntur, quemadmodum primi Capitis exempla demonstrant.

Quintò differunt dictorum locorum spiritus, quod in priori genere pauciores ferè inueniantur, qui molestent; in posteriori plures. Rarius audimus, quosdam suos ubiq; molestantes sequi spiritus; saepius certis atq; definitis locis alios atq; alios molestos esse.

Deniq; hoc differunt, quod in his alia; quam illis, expiandis, ratio seruari debeat. In ijs, quæ propter homines infesta sunt, præcipua est occupatio, (si modò plena securitas obtainenda est,) cum hominibus, quorum causa loca infesta sunt; in alijs, non tam hominū, qui in festis locis degunt; quam ipsorum locorum ratio habenda est, quemadmodum suo loco docebitur; tertia parte Disput.

Cæterum, quamuis iam dictis rationibus loca haec distinguantur; multa tamen habent communia: in primis illud, quod in utrisque omnis generis molestantes spiritus deprehendantur; dæmoniaci, scilicet, et hominū, tam purgandorum, quam perpetuis suppliis deputatorum: De quo in sequentibus.

C.A.P.

6.

7.

8.

9.

10.

11.